


WANGA-LUHYA - "The Two Roads"

EMIHANDA CHIBIRI



OKHWAULA OMUHANDA OMULAYI MULALA

Nikhwenya okhutsia oluchendo wosi wosi wokhushiiri okhutsiakho tawe khumalaanga khureberesia mbu nemuhanda shina okwa khunyala khwabirirakho. Khuchendanga tsimoni tsiefu nitsilenga omuhanda omulayi, nikhuli khumuhanda kwa abwene ne khukalukha khu muhanda omulayi.

Buli inyanga ewe nende esie khuchendanga mushialo shino nikhukonya obulamu bwa bumeri obulakana nende obwa mwikulu tawe. Omanyire wotsitsanga?

SHITABU SHIKHWINOSIA

Khakaba mu buchamibwe nende eshisa shie yamala okhukhweresia shitabu shia indakano eshikhwechesinjia omuhanda kwokhutsia mwikulu. Amakuwa kahandikwa koosi pe mulupapulo luno karula mu shitabu shia indakano. (Isabuli 119:105). Likhuwa lirio ne itaa ya amakulu kanje khandi nobulafu khumuhanda kwanje.

OMUHANDA OMUBAMBALIFU

Mwinjire nimubirira mushiribwa eshinyerere, eshichira eshiribwa eshikhongo khandi omuhanda omubambalifu kuchooma mukhukora, ne ababurirangamwo nabanji. (Matayo 7:13).

Abandu abanji tsimoni tsimoni tsiabu shitsilolanga tawe. Omuhanda kwoparanga mbu nomulayi nekhane nomuhanda kwokhufwa. (Tsinjero 14:12). Omu khakaba weshialo shino abahofusibwe emioyo chia bandu babula obusubiri abatsana, mbu obulafu bweinjili yoluyali lwa Kristo ouli likondo liene lia khakaba, buleshe okhubachama. (Abakorinzo 4:4).

OBUSIRO

Abandu bali khumuhanda kuno omubambalifu bajitoyirwa nobwononi obunji po buli omundu yesi yesi owamala okhwonona pe. Okhuba boosi boonona nibaleema okhula khu luyali ewa khakaba. (Abaroma 3:23). Habula omuruchi yamusunjira Samweli mbu olalenga obweni bwe, kata oburambibwe. (1 Samweli 16:7). Okhuba omuruungo kwomwonooni nokhufwa, ne eshihanwa shia khakaba nobulamu bwo bumeri mu Kristo Yesu omuruchi wefu. (Abaroma 6:23).

OLUHENU

Oluhenu mushilolero shino lumanyisinjia obuyasibwi nende khakaba khulwa efionono fiabu. Ngala olwa kalakwa mbu abandu bafwe lulala, mana olunyuma obuyasibwi bubeho. (Abahebrania 9:27). Mana nindola eshisaala eshia obuyasibwi shiobunyala nende mushitabu shiobulamu tawe, yesi yasukunwa munyanza yomoliro. (Obufwimbuli 20:11,12,15).

OMULIRO

Okhuba khakaba nomulayi, okhuula obuyasibwi bwo bwononi okhulabubeho. Shitabu shia khakaba shikhuboleranga mbu buliho obuyasibwi bwe inzu yiyo khu aberabo aba lamuritsanga khakaba tawe. Omuruchi shiyeenyanga mbu omundu yesi akore tawe. Halali mbu boole khu khwikalukhasia. (2 Petro 3:9). Mubuchami bwe nende obukosia bwakasia omuhanda omulayi khu abo abenyanga omuhanda kwobulamu. Ewe wesi okonyanga omuhanda okwo bulamu butsitsanga mwikulu? (Abafilipino 3:19). Khakaba nobuchami shiyeenyanga mbu omundu akore tawe.

OMUHANDA KWO BULAMU – OMUHONIA

Okhuba shikhunyala okhuba abeene okhurula mufionono fiefu noho mubuyasibwi nomba obukumwi okhuba obwononi bwefu tawe, habula mbu khakaba yakhveresia omuhonia Kristo Yesu. Okhuba khakaba yachama muno eshialo, okhula okhuhana omwana we omuterwa, mbu omundu yesi omusubirira aleshe okhukora, ne mbu abe nende obulamu – bwobumeri. (Yohana 3:16). Khakaba yaruma omwana we omuterwa Yesu Kristo okhurula mwikulu okhwitsa mushialo muno. Kristo yamenya mushialo nga omundu namundu, ne shiyonona tawe yatsiririra busa okhukhola amalayi, yahonia abalwale, abamachere, nalonda narusia efishieno, nabakholeranga eshisa efionono khandi nabechesia abandu likhuwa lia khakaba. Neshiachira Yesu naba nga omundu namundu kali mbu amale ishiinda khu bandu boosi

nabafwira khumusalaba okhukhumanyia obutaru bubwe, obulalikhobu obubul. efionono mu bulamu bubwe nende amalasire keke nikataatsa khu musalaba okhurunga likofi liefionono fiefu. Abononi betsimbi bamubukula, nibamuseya, nibamukhupa ne tsikhoba, nibamufwala ingara ya mawa khumurwe nibamubamba khu musalaba nibamukhoma emisumari mumakhonoke. Yakhufwira khumusalaba efwe nende esie. (1 Petro 2:24).

OBULAMUSIBWI

Olunyuma lietsinyanga tsitaru, Yesu Kristo yabuukha mubafu, yachenda, nabolana nende abechibebe. Olunyuma lwetsinyanga amakhumi kane yapurukha natsia mwikulu ewa yekhalanga khu mukhono musaatsa kwa khakaba papa. (Abaroma 8:34). Niwina ounyala okhubakabukhasia mushiina? (Matayo 28:18). Ne Yesu niyetsa wabali nabasunjira mbu ndayeresibwa obunyali bwosi mwikulu nende mushialo. (Abahebrania 7:25). Khandi niko akachiranga nanyala okhubahoniria elala balia abasitanga hambi nende khakaba khululwe, okhuba abetsanga owo mwoyo obushia nobushia okhubalamira.

MWIKULU

Mwikulu nimwo omwa khakaba amenyanga mwo nobwikhoyeri nende oluyalilwe lwosi. Omuruchi Yesu yaboola okhurula mu injili ya. (Yohana 14:2,3). Munzu ya papa mulimo efimenyo efinji nikaba nikalabeere kario tawe. Khane ndakhamusunjire okhuba enzia okhumukasiria habundu. Ne nimba ninzia nimukasiria habundu, ndaletsa khandi nemwinjisia ewanje mbu ewa endi esie, nende enywe mwesi mubeyo. (Obufwimbuli 21:4; 22:5).

Aleya amasika mumoni tsiabu, kata okhufwa shikhubaho khandi tawe, okhulira okhutsuunwa khandi tawe, ako akaranjirira kawere. (Obufwimbuli 2:5). Eshialo shilabakhoyo khandi tawe, kata shibakhenya obulafu bweitaa kata ne eshindu shiosi eshia mushialo shilanjira khwomwo tawe, kata oyo oukholanga akokhusinyisia nobubeeyi tawe habula abo bonyene abahandikwa mu shitabu shia obulamu bwelikondi. (Obufwimbuli 21:27; Yohana 14:6). Yesu nabasunjira mbu esie nesie omuhanda, khandi obwatoto, khandi obulamu, abulaho owitsira papa nalalondera kata libulaho elira lindi hasi welikulu elia abandu bayeresibwa, elia khukwanire okhuhoniribwamwo. (Efikhoze 4:12).

OLUCHENDO LWO MWIKULU

1. Naboola mbu induukho yulira. Oburuchi bwa khakaba busitire hambi mwipindule nimusubirira omuhanda. (Mariko 1:15).
2. Witse khu muruchi Yesu Kristo nobusiro bieffionono nomwilomba mbu akhuleshere mu. (Yohana 6:37). Boosi aba papa yamberesia beetsa khwisie, naye oyo owitsa khwisie shindalamusukuna erwanyi ne hatiti tawe. (Matayo 11:28). Mwitse khwisie, enywe mwesi abachoonnyanga nimunyoola obusiro, nasi ndalamubusia.
3. Paririsia mu Yesu Kristo yenyene khu bulesheri bwa efionono likhuwa lia khale nirio likhuwa liene elia mwaulira. (1 Yohana 1:7). Amalasire ka Yesu omwana we kakhwosinjia efionono fiefu.
4. Yesu yasunga mbu ndalamweresia obulamu obuyiakha, Yesu yasunga

mbu yesi yesi ouhulira likhuwa lianje nafuchirira elala omwenoyo owaruma. Ali nende obulamu obwo buchamani. (Yohana 5:24). Okhuba omundu yesi naba nali mu Kristo aba omulonje, omuyia amakhuwa kakhale kaba nikamalire okhubura, lole kosi kakalushe amaya. (2 Abakorinzo 5:17).

5. Khuli nomulembe khu khakaba okhuba omuruchi wefu Yesu Kristo. (Abaroma 5:1). Embandikanga mbu mumanye mbu muli mubulamu bwe fisoni nefisoni enywe abasubiranga omwanawa khakaba. (Yohana 5:11-13).

OKHUMENYA MUBULAMU OBUYAKHA

1. Soma indakano buli inyanga omubasu kwo muhanda kwefu ne eshiribwa shishio eshiomwoyo. Obe shinga omwana omutoro owibulwe ouli nende obuloho obwa mabeere anywetsanga mana akhula. (1 Petro 2:2). Reeba khakaba akhumanyisie khandi akhumanyie mu muhanda kwo mwoyo omulafu, nosoma.
2. Itsa hambi nende khakaba mu malaamo buli inyanga. Lamanga mulira lia Yesu olaba nende okhuuka mushindu shiosi tawe. Halali mulamenje khakaba omulayi mukoosi aka mwenya buli inyanga mumurebenje, nende omwoyo omulaafu kho khakaba oweshibeera oulalolekhanga tawe alakhubiikha ewe nende amaparo akobwatoto akali mubulimani mu Kristo Yesu. (Abafilipino 4:6-7).
3. Sunjira abandi okhulondana nende Kristo. Kalukha inyuma khube inzi yiyo basunjire ngala ako omuhonya okholire khwinywe nende koosi akakholere khwinywe. (Mariko 5:19).
4. Olwa oba notemwa omulanje omuhonya. Anyala okhukhonya balia abarechekhwa okhuba ye olwa arechekhwa nende eshishieno. (Abaheburania 2:18).
5. Olwa nokhola obwonooni wikalukhasie lwangu khu khakaba. Ne busa ewe olwa wikalukhasia obwonooni bubwo khu khakaba ewe olalinda indakano yiye nende okhukhola akali amalayi alakhubeera efionoono fiefu fiosi na nesie efwe muriabi koosi. (Yohana 1:9).
6. Teema okhulimana nende abandi abasubira mulira elia omuhonya Yesu Kristo. Ne okhulaka khwanje khuli mbu muchamanenje abene nabeene shinga olwa wichamanga ewe omwene. (Yohana 15:12).
7. Buli isa yoosi omuritsenje khakaba. Ulira ounjama esie olaritsanga amechesio kanje. (Yohana 14:23).
8. Ewe olaba omuri tawe, okhuba Kristo ali ninawe shindakhakhu leshe ewe tawe – shindakhakhwikane tawe. (Abahebrania 13:5).
9. Wirusie ewe omwene khu omuhonya Yesu Kristo. Lekha ye omwene akhumanyie akobulamu bwo khulondokhana nende okhwenya khukwe. Mu muhanda kuno mulanyoolera obwatoto obwo bwenyani obwe inzuyo.

For free Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)